

Bosna i Hercegovina
Federacija BiH
Kanton Sarajevo
Skupština Kantona Sarajevo
n/r g. Mirza Čelik, Predsjedavajući Skupštine
n/r g. Mario Nenadić, Premijer Vlade KS
n/r g. Kenan Alikadić, Ministar kulture i sporta KS

26. radna sjednica Skupštine Kantona Sarajevo

ZASTUPNIČKO PITANJE

Tražim od Premijera Vlade i Ministra kulture i sporta da građanima Kantona Sarajevo razjasne postojanje "rupe" u imenovanju i djelovanju Upravnog i Nadzornog odbora Zavoda za zaštitu kulturno-historijskog i prirodnog naslijeđa Sarajevo u periodu od 2016-2020. godine kada je istovremeno zabilježena i velika graditeljska aktivnost na Ilidži na prostoru arheoloških nalazišta, kao i prisustvo arsena u Željeznici.

OBRAZLOŽENJE:

Na javnoj sjednici Kolegija SKS, 10.06.2020. Premijer Nenadić je kao pravnik izjavio da je "činjenica da iz nekog razloga nije pokriven period od 2016-2020. godine" u Zavodu za zaštitu kulturno-historijskog i prirodnog naslijeđa Sarajevo.

U svom Saopćenju za javnost, koje su svi skupštinski zastupnici dobili jučer posredstvom skupštinskog email-a i koje je objavljeno na službenoj stranici Zavoda, aktuelni direktor ove kantonalne institucije, g. Nerven Dacić, koji je imenovan 16.05.2018.godine u tom saopštenju jasno napominje da "od 05.10. 2018. ovaj Zavod nije imao imenovan UO i da je Ministarstvo kulture i sporta, na naš zahtjev da se razriješi situacija nepostojanja UO, 14.01.2019. godine donijelo Rješenje kojim je ovlastilo osobu koja potpisivati naloge za plaćanje i druge akte iz nadležnosti UO za JU Kantonalni zavod za zaštitu kulturno-historijskog i prirodnog naslijeđa. To Rješenje je bilo na snazi do donošenja Rješenja o imenovanju novog VD Upravnog odbora."

No još više je zabrinjavajuće to što je direktor g. Nerven Dacić u svom saopštenju za javnost potvrdio postojanje "rupe" u imenovanju i djelovanju Nadzornog odbora u ovoj instituciji riječima: "Nadzorni odbor nisam zatekao prilikom preuzimanja funkcije direktora Zavoda. (16.maj 2018.) Tako da isti nije ni zasjedao do imenovanja novog VD Nadzornog odbora 28.05.2020.godine" kada su zvanično razriješeni vršiocu dužnosti Nadzornog odbora na čelu sa predsjedavajućim Sulejmanom Haljevcem čija je dužnost istekla u jesen 2016. On, dakle, svjedoči da Nadzorni odbor nije postojao prije njegovog imenovanja, da ga nije zatekao, kao i to da Nadzorni odbor nije zasjedao do maja tekuće godine. Da li aktuelni Premijer Vlade, g. Mario Nenadić, aktuelni Ministar kulture i sporta, g. Kenan Alikadić, ili bilo ko iz SBB-a koji je vodio Ministarstvo kulture i sporta u navedenom periodu mogu objasniti građanima kako i zašto je došlo do ovako ozbiljnog propusta?

Sarajevo, 16.06.2020. godine

SAMOSTALNI ZASTUPNIK

Damir Nikšić